

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), člana 33. stav 2. Zakona o privatizaciji preduzeća (“Službene novine Federacije BiH”, broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09) i tačke II. Zaključka Vlade Zeničko-dobojskog kantona broj: 02-14-15200/17 od 02.11.2017. godine, Vlada Zeničko-dobojskog kantona, na 123. sjednici, održanoj dana 19.12.2017. godine, d o n o s i

ZAKLJUČAK

I.

Vlada Zeničko-dobojskog kantona daje prethodnu saglasnost na tekst Prijedloga Ugovora između Razvojne banke Federacije Bosne i Hercegovine i Vlade Zeničko-dobojskog kantona o namjenskom depozitu i prenosu sredstava sa posebnog ESCROW računa Zeničko-dobojskog kantona na poseban fond Razvojne banke Federacije Bosne i Hercegovine, a kojim se između ostalog od strane Razvojne banke Federacije BiH utvrđuje namjena korišćenja navedenih sredstava, u skladu sa odredbama člana 33. stav 3. Zakona o privatizaciji preduzeća ("Službene novine Federacije BiH", broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), s tim da će navedenim novčanim sredstvima sa posebnog fonda Razvojne banke FBiH upravljati Vlada Zeničko-dobojskog kantona, donošenjem svojih pojedinačnih akata.

II.

Zadužuje se Ministarstvo finansija Zeničko-dobojskog kantona da obavi sve potrebne aktivnosti kod Razvojne banke Federacije BiH, u cilju realizacije Ugovora o namjenskom depozitu, radi prebacivanja na poseban fond Razvojne banke FBiH, sredstava koja su se kontinuirano prikupljala na posebnom ESCROW računu Zeničko-dobojskog kantona od prodaje preduzeća u procesu privatizacije, uključujući i sredstva koja su na navedenom računu prikupljana poslije datuma stupanja na snagu Zakona o izmjenama i dopunama Zakona o privatizaciji preduzeća (“Službene novine FBiH”, broj: 4/09), po osnovu povrata kredita za privredni razvoj i zapošljavanje i stambenih kredita, dodjeljivanih od strane Kantona iz ESCROW sredstava ostvarenih od privatizacije preduzeća prije donošenja navedenih Izmjena i dopuna Zakona o privatizaciji.

Zadužuje se Ministarstvo finansija da za sjednicu Vlade Kantona pripremi Prijedlog Odluke o otvaranju namjenskog računa u Razvojnoj banci Federacije Bosne i Hercegovine i određivanju potpisnika naloga platnih transakcija sa namjenskog računa.

III.

Ovlašćuje se ministar Ministarstva finansija Zeničko-dobojskog kantona da u ime Vlade Zeničko-dobojskog kantona, potpiše Ugovor o namjenskom depozitu između Razvojne banke Federacije BiH i Vlade Zeničko-dobojskog kantona, na koji je Vlada dala saglasnost.

IV.

Zaključak stupa na snagu danom donošenja.

Broj: 02-_____/17.
Datum, 19.12.2017. godine
Z e n i c a

PREMIJER
po ovlaštenju

ministar Himzo Smajić

DOSTAVLJENO:
1x Ministarstvo finansija,
1x Ured premijera,
1x Skupština Kantona,
1x a/a.

OBRAZLOŽENJE

I PRAVNI OSNOV

Pravni osnov za donošenje ovog zaključka se zasniva na članu 16. stav 4. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona“, broj: 7/10), članu 33. stav 2. Zakona o privatizaciji preduzeća ("Službene novine Federacije BiH", broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09) i tački II. Zaključka Vlade Vlade Zeničko-dobojskog kantona broj: 02-14-15200/17 od 02.11.2017. godine.

II RAZLOZI ZA DONOŠENJE

Članom 33. stav 2., 3. i 4. Zakona o privatizaciji preduzeća ("Službene novine Federacije BiH", broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), propisano je:

„Novčana sredstva ostvarena prodajom preduzeća iz nadležnosti Agencije za privatizaciju i kantonalnih agencija sa izuzetkom dijela sredstava namjenjenih za finansiranje Agencije Federacije i kantonalnih agencija na koja su saglasnost dale nadležne vlade (Vlada Federacije, vlada kantona), prebacuju se na poseban fond Razvojne banke Federacije Bosne i Hercegovine, kojim upravlja Vlada Federacije Bosne i Hercegovine, a za novčana sredstva ostvarena u procesu privatizacije iz nadležnosti kantonalnih agencija sredstvima sa posebnog fonda upravlja vlada kantona u kojem je ostvaren konkretni prihod.

Razvojna banka Federacije Bosne i Hercegovine utvrdit će namjenu korišćenja sredstava iz stava 2. ovog člana, s tim da se 20% ostvarenih sredstava koristi za sanaciju i osiguranje osnovnog kapitala u fondu penzionog i invalidskog osiguranja.

Novčana sredstva iz stava 2. ovog člana, a u visini do 15% , mogu se koristiti za socijalno zbrinjavanje zaposlenika koji su ostali bez radnog angažmana.”

Kako bi se izbjeglo različito tumačenje navedenih odredbi Zakona, Ministarstvo finansija se po ovome pitanju, inicijativama za davanje autentičnog tumačenja, zahtjevima za davanje mišljenja i urgencijama, počevši od 2009. godine, više puta obraćalo Parlamentu Federacije BiH, Federalnoj Agenciji za privatizaciju i resornim federalnim ministarstvima.

Međutim, nikada nije pristiglo jasno mišljenje po pitanju namjene sredstava Zeničko-dobojskog kantona, prikupljenih nakon stupanja na snagu Zakona o izmjenama i dopunama Zakona o privatizaciji preduzeća (“Službene novine FBiH”, broj: 4/09), po osnovu povrata kredita za privredni razvoj i zapošljavanje i stambenih kredita, dodjeljivanih iz ESCROW sredstava, ostvarenih od privatizacije prije donošenja navedenih izmjena Zakona o privatizaciji, u smislu **da li Vlada Kantona može samostalno raspolagati navedenim sredstvima ili se ista prvo mora prebaciti na poseban fond Razvojne banke Federacije BiH** s obzirom da se radi o sredstvima koja nisu nastala kao rezultat prodaje preduzeća u procesu privatizacije od strane Kantonalne agencije za privatizaciju nakon stupanja na snagu navedenog Zakona.

Zbog navedene dileme, značajan iznos sredstava godinama je ostao zaleđen na računu, a što je predstavljalo problem i kod statusa tih sredstava pri izradi Budžeta Kantona.

Zaključkom Vlade Vlade Zeničko-dobojskog kantona broj: 02-14-15200/17 od 02.11.2017. godine, Vlada Zeničko-dobojskog kantona je zadužila Ministarstvo finansija Zeničko-dobojskog kantona da započne aktivnosti kod Razvojne banke Federacije Bosne i Hercegovine radi zaključivanja Ugovora o namjenskom depozitu, radi prebacivanja na poseban fond Razvojne banke Federacije Bosne i Hercegovine, gore navedenih sredstava.

Tačkom II navedenog Zaključka zaduženo je Ministarstvo finansija Zeničko-dobojskog kantona da Vladi Zeničko-dobojskog kantona prije potpisivanja dostavi radi davanja prethodne saglasnosti prijedlog ugovora o namjenskom depozitu, a kojim bi se između ostalog od strane Razvojne banke Federacije Bosne i Hercegovine utvrdila i namjena korišćenja gore navedenih sredstava, u skladu sa odredbama člana 33. stav 3. Zakona o privatizaciji preduzeća, s tim da bi navedenim novčanim sredstvima sa posebnog fonda Razvojne banke FBiH upravljala Vlada Zeničko-dobojskog kantona, donošenjem svojih pojedinačnih akata.

S tim u vezi, kako je od strane Razvojne banke dostavljen prijedlog ugovora o namjenskom depozitu, predlaže se donošenje ovog zaključka.